



Naslov
Fondacija CURE
Izveštaj 2015.

Izdavačice
Fondacija CURE

Lektura
Marija Vuletić

Prevod
Marija Vuletić

Štampa
Cober d.o.o.

Tiraž
300

FONDACIJA CURE IZVJEŠTAJ ZA 2015. GODINU

1. CURE UVOD
2. ZALAGAČKE AKCIJE ŽENA U BIH
3. AKTIVISTKINJE GRADE MIR!
4. OSNAŽIVANJE ŽENSKE MREŽE BiH
5. FOND SOLIDARNOSTI
6. RODNO UVJETOVANO NASILJE: POGLED IZ DRUGOG UGLA- NASILJE U VEZAMA MLADIH
7. IZGRADNJA KAPACITETA FONDACIJE CURE
8. ROD I SPOL KROZ OBRAZOVNI SISTEM
9. JAČANJE VIDLJIVOSTI ŽENSKIH LJUDSKIH PRAVA
10. SNIMI RODNO ZASNOVANO NASILJE
11. OSNAŽIVANJE LGBTQ ŽENA
12. DJEVOJKO PROGOVORI!
13. RAD S VIŠESTRUKO MARGINALIZOVANIM GRUPAMA
14. OSNAŽIVANJE ŽENA ZA POLITIČKO DJELOVANJE
15. REGIONALNA SURADNJA NA SESTRINSKIM FESTIVALIMA
16. PITCHWISE - 10. FESTIVAL ŽENSKE UMJETNOSTI I AKTIVIZMA U BIH
17. GLOBALNA KAMPANJA 16 DANA AKTIVIZMA
18. CURE PARTNERSTVA:
 - MIR SA ŽENSKIM LICEM
 - LOKALIZACIJA CEDAW-a
 - ORODNJAVANJE USTAVNIH PROMJENA
 - ŽENSKI SUD
 - MIROVNA AKADEMIJA ZA MLADE ŽENE
 - MEDIJSKI DISKURS ZAPADNOG BALKANA
19. ULIČNE AKCIJE
20. PUBLIKACIJE
21. DRUGE AKTIVNOSTI
22. MEDIJSKA VIDLJIVOST
23. DONATORI/KE

UVOD

Fondacija CURE (CURE) je feminističko-aktivistička organizacija koja djeluje za jednakost spolova i rodova zalažući se za pozitivne društvene promjene putem obrazovnih, umjetničko-kulturnih i istraživačkih programa. Organizujući afirmativne akcije, Fondacija CURE slavi snagu i moć žena te radi na osnaživanju osoba kako bi postali/e pokretači/ce društvenih promjena u BiH i svijetu. Feministički aktivizam je omogućio siguran prostor u kojem su žene jake, neustrašive, sposobne i ujedinjene sa svim svojim različitostima. Fondacija CURE je organizacija profesionalaca/ki i volontera/ki koji/e izlaze na ulice u znak javnog protesta protiv nasilja, diskriminacije, kršenja zakona i osnovnih ljudskih prava, organizuju performanse protiv nasilja, pozivaju umjetnike/ce, naučnike/ce, edukatore/ice, aktiviste/kinje, građane/ke na akciju i konkretan lični doprinos za kreiranje boljeg i zdravijeg bosanskohercegovačkog društva.

Vizija - Kakvo društvo želimo - Fondacija CURE zalaže se za jednakost i ravnopravnost žena u BiH, za društvo bez patrijarhalnih normi, u kojem se ne toleriše nasilje i diskriminacija i gdje su žene prepoznate kao odgovorne pokretačice i nositeljice pozitivnih društvenih promjena te ravnopravno donose odluke u društvu.

Misija - Šta radimo da ostvarimo viziju - Fondacija CURE radi na podršci, jačanju kapaciteta i kreiranju sigurnog okruženja za novu generaciju aktivistkinja i feministkinja, za njihovo odgovorno i aktivno učešće u pozitivnim društvenim promjenama kroz:

- *edukativne programe,*
- *istraživanja, analize i javno zagovaranje,*
- *unaprjeđenje medijske slike o ženama i povećanje vidljivosti,*
- *lokalna i regionalna umrežavanja,*
- *angažiranu umjetnost i aktivizam i*
- *izgradnju inkluzivnog i održivog ženskog pokreta.*

Ovom prilikom tim Fondacije CURE se želi zahvaliti svima na suradnji, podršci i solidarnosti.

Tim Fondacije CURE: Jadranka M., Vedrana F., Stela K., Denija H., Marija V., Sanda K., Tanja Č., Selma H., Vildana Dž., Berina Dž., Berina M., Zlatiborka P., Asmir F., Dženana A., Dubravka K., Medina M., Hatidža G., Safija S., Ana K., Ajna J., Jovana J., Sanja M., Edita Č.



PROJEKTI FONDACIJE CURE

Zalagačke akcije Žena BiH - U augustu 2015. godine, Fondacija CURE je pokrenula projekat Zalagačke akcije žena BiH s ciljem jačanja suradnje između lokalnih aktivistkinja - braniteljica ženskih ljudskih prava i žena političarki. Kroz projekat radimo na uspostavi ženske zalagačke politike u sferi prava na zdravlje i pristupu zdravstvenim uslugama, pravu na roditeljstvo i ekonomske mogućnosti za žene s ruralnih područja i malih lokalnih zajednica. Projekat jača suradnju među političarkama i ženama aktivnim u politici kroz potpisivanje Memoranduma o saradnji za promociju CEDAW i CAHVIO konvencija u BiH i uspostavljanju NULTE tolerancije na nasilje i diskriminaciju nad ženama.

Aktivistkinje grade MIR! - Fondacija CURE, u suradnji sa H.O. Horizontima, u 2015. godini je organizovala tri radionice u kojima je učestvovalo ukupno 40 učesnica, a radionice su imale za cilj otvaranje dijaloga i razmjena iskustava mladih žena različitih etničkih i nacionalnih identiteta kao i jačanje svijesti o važnosti zajedničkog aktivističkog djelovanja u njihovim lokalnim zajednicama na polju suživota i pomirenja. Radionica je okupila žene s područja Srebrenice, Konjević Polja i Bratunca. Sve navedene radionice su organizovane u prostorijama Udruženja žena „Jadar“ iz Konjević Polja koje pružaju podršku svim aktivnostima.

Oснаživanje ženskih prava kroz osnaživanje Ženske mreže BiH je projekat Fondacije CURE koji je proveden u suradnji sa Sarajevskim otvorenim centrom. Aktivnosti projekta su bile fokusirane na Žensku mrežu Bosne i Hercegovine kroz njeno struktuisanje, administraciju i jačanje kapaciteta. U 2015. godini u okviru projekta Ženske mreže BiH sprovedeno je nekoliko značajnih aktivnosti od kojih su najznačajnije: jačanje kapaciteta članica Ženske mreže kroz radionicu o EU fondovima; u aprilu 2015. godine Ženska mreža BiH je podnijela žalbu Agenciji za ravnopravnost spolova BiH povodom kršenja Zakona o ravnopravnosti spolova BiH u procesu formiranja vlasti nakon Općih izbora 2014. godine; Ženska mreža BiH je izdala preko 15 javnih saopštenja u vezi s kršenjem prava žena u BiH u 2015. godini.

Konferencija “Siromaštvo žena u BiH” u suradnji s Friedrich Ebert Stiftungom je održana u maju 2015. godine s ciljem omogućavanja javnog prostora za razgovor o ekonomskoj marginalizaciji žena u bh. društvu i zagovaranje za aktivno uključanje žena, posebno žena iz marginalizovanih društvenih skupina u ekonomske reforme. Na konferenciji je bilo prisutno 55 učesnika/ca.



Fond solidarnosti - Fondacija CURE je u 2015. godini pružila direktnu podršku 8 žena koje su bile ugrožene poplavama iz 2014. godine ili su preživjele ratno nasilje. Podrška se ogledala u posjetama i razgovoru s korisnicama projekta te nabavci neophodnog kućnog inventara. Fondom solidarnosti Fondacija CURE je obuhvatila žena iz Zenice, Sarajeva, Ilidže, Ilijaša, Hadžića i Vareša.

Rodno uvjetovano nasilje: Pogled iz drugog ugla - Nasilje u vezama mladih - Kroz ovaj projekat Fondacija CURE se fokusira na osnaživanje i jačanje kapaciteta mladih žena i djevojaka na temu ljudskih prava žena, feminizma i rodno zasnovanog nasilja sa željom da se one motivišu i angažuju kako bi postale nositeljice pozitivnih društvenih promjena u svojim lokalnim zajednicama. Tokom 2015. godine smo imale 3 FEM Kampa (61 učesnica) na Bjelašnici, u Sarajevu i na Boračkom jezeru te sastanak Mreže mladih aktivistkinja (19 učesnica) koji je rezultirao dokumentarnim videom o rodno zasnovanom nasilju kojeg su učesnice režirale, pripremile i odglumile. Poseban rezultat jeste da su se učesnice organizovale u svojim lokalnim zajednicama i uradile fenomenalne akcije na Sokocu, u Sarajevu, Konjicu, Zvorniku, Tešnju itd.

Projekat je bio fokusiran i na rad sa srednjoškolicima/kama u Kantonu Sarajevo, pa smo u 2015. godini imale priliku da kroz radionice (16 radionica sa 6 razreda različitih srednjih škola) educiramo i informišemo 139 učenika/ca na temu rodno zasnovanog nasilja u vezama mladih. Kroz ovaj projekat smo radile i sa profesorima/cama srednjih škola i pedagozima/ginjama srednjih škola pa smo imale 1 okrugli stol i 2 radionice na temu kako spriječiti rodno zasnovano nasilje u vezama mladih na kojima je učestvovalo 40 učesnika/ca.

Rad s volonterima/kama i članovima/icama Fondacije CURE - Tokom 2015. godine imale smo 7 tematskih druženja s volonterima/kama i članovima/icama Fondacije CURE na kojima je bilo ukupno 72 učesnika/ce gdje smo zajedno radili/e na organizovanju osmomartovskih akcija, PitchWise festivala ženske umjetnosti i aktivizma, organizovanja 16 dana aktivizma i proslavile naše uspjehe i aktivnosti.

Rod i spol kroz obrazovni sistem - Realizovano je 12 radionica za 227 učenika/ca srednjih škola s područja Općine Centar (Kanton Sarajevo). Radionice smo realizovale u: Srednjoj zubotehničkoj školi, Srednjoj elektrotehničkoj školi i Srednjoj građevinsko-geodetskoj školi. Radionice su održale pedagogice/psihologinje u školama u sklopu časova odjeljske zajednice tako da smo nastavile suradnju s nastavnim osobljem kroz ovaj projekat. Teme radionica su bile: rodne kutije, definicija vrsta nasilja u partnerskim vezama, mit ili stvarnost, kvalitetne i štetne veze - znakovi upozorenja, nasilje u adolescentskim vezama - kako prepoznati nasilno ponašanje i kako reagovati na isto, stereotipi vezani za uloge partnera u adolescentskim vezama, vrste nasilja u adolescentskim vezama s posebnim osvrtom na verbalno nasilje - uvrede i ogovaranja.



#sniminasilje

SNIMI RODNO ZASNOVANO NASILJE

Šta je rodno zasnovano nasilje
i zašto se događa?

www.gbv.fondacijacure.org



ca@gbv.org | @gbvca | #sniminasilje

SNIMI RODNO ZASNOVANO NASILJE

Kako zaustaviti rodno
zasnovano nasilje?

www.gbv.fondacijacure.org



#sniminasilje

SNIMI RODNO ZASNOVANO NASILJE

Zašto osobe ostaju u situaciji
rodno zasnovanog nasilja?

www.gbv.fondacijacure.org



ca@gbv.org | @gbvca | #sniminasilje

SNIMI RODNO ZASNOVANO NASILJE

Pravni okvir BiH u kontekstu
rodno zasnovanog nasilja

www.gbv.fondacijacure.org



ca@gbv.org | @gbvca | #sniminasilje

Izgradnja kapaciteta Fondacije CURE - Implementacija ovih aktivnosti imala je za cilj ojačati kapacitete Fondacije CURE, u smislu da osnaži i nadogradi kapacitete tima kako bismo gradile snažniji ženski pokret u BiH. S druge strane, ove aktivnosti su se sprovodile u cilju jačanja vlastitih kapaciteta da bismo se nosile s unutrašnjim procesima kao što su stres i sagorijevanje. U 2015. godini imale smo nekoliko radionica jačanja vlastitih kapaciteta.

Jačanje vidljivosti ženskih ljudskih prava - Projekat koji je nastao kao podrška Fondaciji CURE za implementaciju strateškog plana u cilju osnaživanja strukture i održivosti organizacije te kao podrška drugim aktivnostima Fondacije CURE. U sklopu ovog projekta djelimično je podržan i PitchWise - festival ženske umjetnosti i aktivizma te realizacija edukativnih radionica koje imaju za cilj educirati i osnažiti bh. građanke, političarke i predstavnice NVO-a da budu aktivne u političkom i javnom životu BiH. PitchWise - festival ženske umjetnosti i aktivizma je program za kreiranje platforme za umrežavanje i razmjenu među umjetnicama, aktivistkinjama, studenticama, omladinom i javnosti da bi se osigurala vidljivost dostignuća žena, slaveći i osnažujući žene.

Snimi rodno zasnovano nasilje - Projekat „Snimi rodno zasnovano nasilje“ je osmišljen kao produkcija nekoliko kratkih filmova i javnih edukativnih događaja koji bi se fokusirali na problem rodno zasnovanog nasilja u Bosni i Hercegovini, ali također i u svijetu. Kroz ovaj projekat su producirana četiri kratka filma koja su otkrila uobičajne zablude i mitove o rodno zasnovanom nasilju i ženama/rodnim manjinama koje su proživjele ovu vrstu nasilja. Svi filmovi koji su producirani kroz projekat objavljeni su na www.gbv.fondacijacure.org. Da bi se osigurao dodatni prostor za vidljivost ovog problema nakon svakog filma organizovana je medijska kampanja te javna forum diskusija na temu rodno zasnovanog nasilja. Filmovi nose nazive: Šta je rodno zasnovano nasilje i zašto se dešava, Zašto osobe ostaju u situaciji rodno zasnovanog nasilja, Pravni okvir BiH u kontekstu rodno zasnovanog nasilja, Kako zaustaviti rodno zasnovano nasilje. Kroz 5 javnih diskusija u Sarajevu, Zenici, Mostaru, Banja Luci i Tuzli imale smo 173 učesnika/ce.

Kreiranje sigurnog prostora za LBTQ žene - U sklopu projekta je održana trodnevna radionica „Zona LBTQ sigurnosti“ na kojoj je učestvovalo 25 lezbejki, biseksualnih i queer žena s područja cijele Bosne i Hercegovine. Radionica je imala za cilj da osnaži i poveže lezbejke, biseksualne, trans i queer žene s područja cijele Bosne i Hercegovine, da ih motiviše za buduća aktivistička druženja, djelovanja i reagovanja na slučajevne diskriminacije i nasilja. Generalni cilj projekta bio je osnažiti LBTIQ žene, kako bi se povezale međusobno i oduprle lezbo/bi/transfobiji u društvu, te kroz razmjenu iskustava i pozitivne prakse iz regije povećale svoju vidljivost.

Djevojko, progovori! - Projekat je imao za cilj povećanje kapaciteta formalnih i neformalnih ženskih organizacija, vidljivost problema i potreba žena iz manjih zajednica. Jedna od aktivnosti ovog projekta je bila i radionica na kojoj su učesnice stekle znanje o ženskim ljudskim pravima, LBT* pravima, diskriminaciji, rodno zasnovanom nasilju i učešću žena u političkom odlučivanju, uz obavezan osvrt na nacionalne i međunarodne dokumente i regulativu. U periodu januara i februara 2015. godine organizovano je 5 javnih diskusija u 5 gradova (Bosansko Grahovo, Konjević Polje, Velika Kladuša, Trebinje i Orašje) koje su okupile oko 183 učesnice. Govorilo se o zdravlju, potrebama mladih, učešću žena u političkom i javnom životu, kao i o drugim važnim segmentima i problemima s kojima se žene suočavaju u svojim lokalnim zajednicama. Projekat je završen s promocijom publikacije u Sarajevu i izložbom 10 fotografija žena koje su napisale svoje lične priče koje su sastavni dio publikacije „Moj glas odjekuje...“.



Podrška marginalizovanim ženama - U 2015. godini smo dale podršku marginalizovanim ženama Romkinjama kroz direktnu podršku Centru za majke NADA iz Kaknja, te radionice čitanja za romsku djecu u suradnji s JU Biblioteka Kakanj (30 djece je učestvovalo na 10 radionica). Organizovale smo 9 radionica za 60 mladih i žena o demokratiji, ljudskim pravima, uključujući ženska prava. Također smo organizovale panel diskusiju o diskriminaciji marginalizovanih grupa u sklopu PitchWise festivala 2015. godine i studijsko putovanje u Italiju u novembru 2015. godine za članice Fondacije CURE koje su učestvovala u implementaciji projekta.

Osnajivanje žena za političko djelovanje! - Fondacija CURE je u sklopu ovog projekta organizovala i održala osam radionica sa ženama iz različitih političkih partija, i aktivistkinjama iz različitih nevladinih organizacija, kao i sa ženama koje još uvijek nisu aktivne građanke ili su članice neformalnih udruženja i grupa u sljedećim gradovima: Tešanj, Prozor-Rama, Prnjavor i Orašje/Domaljevci. Na radionicama je prisustvovalo ukupno 160 učesnica. Cilj je bio da doprinijeti jačanju kapaciteta žena u političkim partijama, naročito onih koje djeluju na lokalnom nivou, te osnažiti ih da budu inicijatorke pozitivnih promjena u svojim lokalnim zajednicama i motivirati ih da se aktivnije uključe u zagovaranje za ženska prava te u stvaranje partnerskih odnosa s ženskim nevladinim organizacijama.



Regionalna suradnja sa sestrinskim festivalima i programima - U 2015. godini aktivistkinje Fondacije CURE su nastavile suradnju s aktivistkinjama iz regiona. Fondacija CURE je učestvovala na nekoliko sestrinskih festivala u Srbiji, Hrvatskoj, Makedoniji, Crnoj Gori Sloveniji na kojima su predstavljale rad Fondacije CURE i aktivnosti organizovane u sklopu PitchWise festivala ženske umjetnosti i aktivizma. U 2015. godini Fondacija CURE je aktivno učestvovala na sljedećim festivalima:

Festival ženskog prijateljstva, aktivizma, umetnosti i solidarnosti u Tutinu - Na ljeto 2015. godine organizovan je festival od strane organizacije "Impuls" Tutin (Republika Srbija). Festival je okupio 50 žena iz cijele regije: Novi Pazar, Kraljevo, Kruševac, Niš, Piroć, Beograd, Trstenik, Užice, Priština, Pljevlja, Sarajevo i Bratunac. Na festivalu smo imale priliku vidjeti izložbu „Prijateljice su lekovite“, različite radionice, diskusije, predavanja, promocije, a na kraju smo imale i zajedničku uličnu akciju.

Mesto Žensk - Aktivistkinje Fondacije CURE su u oktobru 2015. godine bile u Ljubljani (Slovenija) i učestvovala su u panelu koji se ticao ekonomske diskriminacije iz rodnog aspekta i rodnim pitanjima na tržištu rada u umjetnosti. Također smo diskutovale i pravile plan za buduće aktivističko umjetničko djelovanje.

Vox Feminae - Festival udruge K-Zona održan je u Zagrebu s ciljem promicanja angažovanih i kreativnih rodnih praksi na području kulture, medija, komunikacijskih tehnologija te društvenog angažmana i poduzetništva žena. Aktivistkinje Fondacije CURE su bile na trodnevnoj radionici koju je za Vox Feminae festival organizacija Crossing Borders iz Švedske održala za članice mreže Gender prakse na kojoj su nas upoznali/e s njihovom metodologijom koja se zove Equality Effect. Kroz mnoštvo radionica i diskusija prisutni/e su bili/e upoznati/e s radom različitih domaćih i regionalnih žena, kolektiva i organizacija koje svojim djelovanjem propituju norme današnjeg društva.

Lezbejsko proleće - Aktivistkinja Fondacije CURE je ove godine učestvovala na festivalu Lezbejsko proleće u Beogradu, gdje je učestvovala u panelu na temu regionalne scene u kontekstu lezbejskog pokreta i iznijela činjenice i trenutno stanje vezano za BiH.

Učešće na lezbejskom festivalu Sestre outsajderke- Aktivistkinja Fondacije CURE je učestvovala u Skopju na regionalnom lezbejskom festivalu Sestre outsajderke gdje se s LBT ženama iz regije susrela i gdje su podijele svoja iskustva u kontekstu država iz kojih dolaze i dale preporuke i savjete za daljnje djelovanje.

Lezbejska YUav** nema granice** - Aktivistkinje Fondacije CURE učestovale su u decembru 2015. godine na petoj Lezbejskoj nedjelji, pod nazivom „Lezbejska YU**av** nema granice“ u Beogradu koju je organizovao Labris (Organizacija za lezbejska ljudska prava). Lezbejska nedjelja otvorena je panelom „Time -OUT“ koji je oslikao položaj lezbejki kroz sport, a na kojem su aktivistkinje Fondacije CURE bile i facilitatorice i učesnice. Skup je okupio lezbejke aktivistkinje s prostora bivše Jugoslavije s ciljem reflektovanja aktuelnih procesa i problema u društvu i na lezbejskoj aktivističkoj sceni, kao i planiranja budućih aktivnosti. Kroz mnoštvo panela različite tematike koji su imali za cilj osnaživanja lezbejki aktivistkinja, kao i radionice učenja koraka tanga, učesnice su prikupile novu energiju i znanja za daljnji lezbejski aktivistički rad. Skup je završen proslavom 20. godina lezbejskog i aktivističkog rada organizacije Labris.



PITCHWISE - FESTIVAL ŽENSKÉ UMJETNOSTI I AKTIVIZMA BIH

Fondacija CURE je 2015. godine obilježila desetu godinu organizovanja PitchWise festivala ženske umjetnosti i aktivizma u BiH. Centralna tema PitchWisea je bila: *RE_Visited! - presjek 10 godina PitchWise festivala*. Neke od učesnica ovogodišnjeg programa bile su: Eve Ensler, GIRL BE HEARD, Guerrilla Girls, ACT Women, ArtFemine, VoxFeminae, BeFem, Impuls Tutin itd. Preponosne i oduševljene smo što smo ove godine ugostile preko 360 osoba iz cijele regije Zapadnog Balkana, što smo imale 70 umjetnica, aktivistkinja, teoretičarki i književnica koje su učestvovalе na ovogodišnjem PitchWise festivalu, što smo okupile veliki tim volonterki koje su nam poklonile svoje vrijeme i posvećenost, što smo imale snažnu medijsku podršku, te donatore/ke koji/e su uvidjeli/e koliko je značajno davati podršku ovakvim jedinstvenim feminističkim događajima. Imale smo učesnice iz cijele BiH, Hrvatske, Srbije, Crne Gore, Makedonije, Njemačke, Holandije, Slovenije, Gruzije i SAD-a.



LIČNOSTI IZ ŽENSKJE HISTORIJE SVIJETA KOJE SMO DOVELE U SARAJEVO:

Eve Ensler (USA), autorica bestselera Vaginini monolozi i jedna od Newsweekovih 150 žena koje su promijenile svijet, predstavila je na PW svoju knjigu *In the Body of the World*, vizionarske memoare razdvajanja i povezivanja u tijelu, sebi i svijetu. Bilo je upriličeno i potpisivanje njenih knjiga. Promocijom je moderirala **Rada Borić** aktivistkinja iz Republike Hrvatske. Eve Ensler je također učestvovala i u drugim aktivnostima, podržala je kampanju „Ja sam muzej“, predstavila je kampanju Milijarda ustaje i učestvovala je na čitalačkoj sesiji gdje smo pričale o ženama književnicama.

Guerrilla Girls (USA) - Na PW je bio upriličen performans, radionica i razgovor s Guerrilla Girls (USA) o tome „Kako preuzeti kontrolu?“. Guerrilla Girls su grupa anonimnih umjetnica koje u javnosti nose maske gorile i koriste činjenice, humor i neuobičajne vizualizacije da pokažu diskriminaciju i korupciju u umjetnosti, filmu, politici i pop kulturi.



GLOBALNA KAMPANJA 16 DANA AKTIVIZMA PROTIV RODNO ZASNOVANOG NASILJA

Globalna kampanja 16 dana aktivizma protiv rodno zasnovanog nasilja - Fondacija CURE je i ove godine svojim aktivnostima podržala i učestvovala u Globalnoj kampanji 16 dana aktivizma protiv rodno zasnovanog nasilja. Ove godine smo organizovale zajedničku kampanju Ženske mreže BiH pod sloganom “Niti jedna žena nevidljiva”, direktno provocirajući javnost činjenicom da je ogroman broj žena u Bosni i Hercegovini u potpunosti nevidljiv u dnevnim društveno-političkim razgovorima i procesu donošenja odluka.




CURE PARTNERSTVA

Mir sa ženskim licem - „Osnaživanje žena za suočavanje s prošlošću“ - U sklopu 2015. godine Fondacija CURE je u sklopu projekta „Mir sa ženskim licem“ koji implementira Fondacija „Lara“ iz Bijeljine i H.O. Horizonti iz Tuzle, organizovala sastanak s 13 aktivistkinja, pedagogica i političarki koje su kroz pomenuti projekat prošle radionice na polju izgradnje mira. U sklopu navedenog projekta napisana je priča o djevojčici koja je stradala u ratu (1992.-1995.), a koja je jedna od niza priča o stradalim ženama i djevojčicama koje su napisane u 12 bh. gradova, a koje su sastavni dio knjige „Sjećanja na žene stradale u ratu“.

Lokalizacija CEDAW-a - Fondacija CURE, u suradnji sa Sarajevskim otvorenim centrom i Helsinškim parlamentom građana Banja Luka, organizovala je u junu 2015. godine radionicu pod nazivom „CEDAW i zagovarački alati“ u Sarajevu. Radionica je okupila predstavnice 12 ženskih nevladinih organizacija s prostora šire Sarajevsko-zeničke regije. Naredna radionica organizovana je u Mostaru u saradnji s organizacijom „Žena BiH“ na kojoj su učestvovalе predstavnice 14 ženskih organizacija s prostora šire Hercegovačke regije. Ukupno je 37 učesnica prošlo edukaciju o CEDAW-u i zagovaračkim alatima. Radionice su imale za cilj upoznavanje predstavnica ženskih organizacija s CEDAW konvencijom i radom Komiteta.



Orodnjavanje ustavnih promjena jeste projekat iz kojeg proizilazi Inicijativa “Građanke za ustavne promjene” čijim radom koordiniše Helsinški parlament građana u partnerstvu s Fondacijom CURE. Cilj navedenog projekta jeste jačanje kapaciteta članica/ove Inicijative kao i povećanje vidljivosti Inicijative i Platforme ženskih prioriteta za ustavne promjene među građanima i građankama BiH, relevantnim institucijama i tijelima, kao i instrumentima monitoring napretka. U toku 2015. godine organizovan je trening za članice Inicijative s ciljem upoznavanja s ustavnim procesima, političkom strukturom BiH i feminističkom argumentacijom pri daljnjim zagovaračkim ustavnim procesima. U decembru 2015. godine organizovana je konferencija „Ustavne promjene u svjetlu EU integracija i učešća žena u pregovaračkim procesima“ na kojoj je učestvovalo preko 60 predstavnika/ca organizacija civilnog društva, političkih stranaka i međunarodne i akademske zajednice.



Ženski sud - Zalažanje za prava preživjelih ratna silovanja - Fondacija CURE je radila na organizovanju finalnog događaja u Sarajevu, Konferencije Ženskog suda, koja se održala u maju 2015 godine, gdje su 38 svjedokinja iz svih zemalja bivše Jugoslavije svjedočile o svim vrstama nasilja koje su preživjele od devedesetih godina pa do danas. Svjedokinje su govorile o individualnom iskustvu koje odražava iskustva velikog broja žena. Na Ženskom sudu u Sarajevu učestvovalo je preko 500 osoba iz svih zemalja bivše Jugoslavije, ali i iz: Argentine, Alžira, Palestine, Izraela, SAD-a, Španije, Italije, Švedske, Austrije, Belgije, Velike Britanije itd. Tokom ovog procesa stvorena je snažna mreža svjedokinja za Ženski sud, a to je solidarna zajednica žena, izvan i iznad državnih podjela i granica.

Mirovna akademija za mlade žene - Aktivistkinja Fondacije CURE je kroz 2015. godinu učestovala na Mirovnoj akademiji za mlade žene koju je podržala Kvinna till Kvinna. Osnovni cilj Akademije bio je jačanje vještina rukovođenja, zagovaranja i komunikacije kod mladih žena, te jačanja njihove sposobnosti da utiču na kreatore/ke politika na lokalnom i međunarodnom nivou kako bi se proizvele pozitivne promjene. Učesnice su kroz različite programe kontinuiranih edukacija i mentorstva imale priliku da napišu Mirovnu povelju za mlade žene BiH, kao i da napišu i implementiraju sopstvene projekte. Kroz Akademiju aktivistkinja Fondacije CURE je bila jedna od saradnica na projektu „HIStory is not HERstory“ iz kojeg je proizašla istoimena publikacija koja sadrži pet ženskih ličnih mirovno-aktivističkih priča i organizovala čitalačku sesiju na kojoj su žene čitale svoje lične ispovijesti.

Medijski diskurs Zapadnog Balkana - U cilju jačanja regionalne suradnje i zajedničkih aktivnosti vezanih za regionalna goruća pitanja i probleme te okupljanja boraca i borkinja za ljudska prava, osnovana je neformalna mreža - Regionalna mreža za ljudska prava (The Regional Human Rights Network). Fondacija CURE je bila u 2015. godini dio tima u sklopu kojeg je radila istraživanje u cilju skretanja pažnje da medijima u regiji nedostaje medijske slobode i odgovornosti. Aktivistkinja Fondacije CURE je učestovala kao istraživačica u kojem je vršila analizu medija tokom predizborne kampanje u BiH i način na koji mediji izvještavaju.



MREŽE U KOJIMA JE FONDACIJA CURE AKTIVNA

Ženska mreža BiH - Fondacija CURE je bila koordinacijska organizacija ŽMBiH u 2015. godini i tokom te godine je obezbijedila jačanje kapaciteta same mreže, organizovala je koordinaciju akcija tokom 8.marta, zajednički slogan za 16 dana aktivizma i mnoga saopštenja koja su slana javnosti, institucijama i medijima, a odnosila su se na povredu i kršenje ženskih prava.

Osnivanje Regionalne LGBTI asocijacije ERA (LGBTI Equal rights association for Western Balkans and Turkey) - Aktivistkinja Fondacije CURE je prisustvovala procesu osnivanja te Osnivačkoj skupštini Regionalne LGBTI asocijacije za Zapadni Balkan i Tursku gdje je uključeno do sada oko 30 organizacija iz 7 država koje se bave LGBTI pitanjima, a cilj je izgradnja kapaciteta LGBTI organizacija regije za još uspješnije i bolje buduće akcije u polju borbe za LGBT prava.

Inicijativa za monitoring evropskih integracija Bosne i Hercegovine - Fondacija CURE je aktivna članica neformalne koalicije civilnog društva koja doprinosi praćenju reformi i nadgleda primjenu politika, prava i standarda Evropske unije, fokusirajući se na pitanja demokratizacije, vladavine prava te ljudskih i manjinskih prava. U 2015. godini radili/e smo na preporukama, zakonskim okvirima i akcionim planovima u BiH za ispunjenje uslova za ravnopravniji suživot i ostvarivanje prava višestruko marginalizovanih osoba. Aktivno smo učestvovali u procesima monitoringa i izvještavanja o aktivnostima nadležnih institucija u BiH.

Mreža za izgradnju mira - Aktivistkinja Fondacije CURE je u koordinacionom odboru Mreže za izgradnju mira u 2015. Godini. Tokom 2015. godine sproveli/e smo par zajedničkih aktivnosti koje se vežu za Sedmicu izgradnje mira, Međunarodni dana žena i aktivnosti tokom Međunarodnog dana ljudskih prava, kao i aktivnosti koje se tiču dodjele novinarske nagrade za profesionalno medijsko izvještavanje „Srđan Aleksić“.



Ženska mreža BiH

ULIČNE AKCIJE

Ulična akcija povodom 8. marta - „Desnica u svijetu - šta jačanje desnice znači za ženska prava?“ - Fondacija CURE je organizovala aktivističko obilježavanje 8. marta te je zajedno s drugim nevladinim organizacijama, formalnim i neformalnim grupama učestvovala u Osmomartovskom maršu. Na maršu je učestvovalo oko 50 aktivistkinja i aktivista koji su mirnim maršem krenuli/e s ciljem da dobiju odgovor kako sadašnja struktura vlasti gleda na pitanje abortusa u BiH, da li žene imaju potpuno pravo da odlučuju o svojim tijelima, kako gledaju na medicinski potpomognutu oplodnju, na mobing, diskriminaciju, pitanje nulte tolerancije nasilja nad ženama te pitanje marginalizovanih grupa žena koje se suočavaju s diskriminacijom.



Žene zajedno za pravedan mir - U sklopu Ženskog suda smo učestvovala u protestnoj povorci "Žene zajedno za pravedan mir". U skladu s aktivističkim praksama, Konferencija Ženski sud je otpočela na ulici, mirovnom akcijom Žene zajedno za pravedan mir. Oko stotinu žena s crvenim karanfilom u ruci prošetalo je kroz centar Sarajeva u znak sjećanja na sve žene koje su tokom rata devedesetih na ovim prostorima preživjele nasilje, za sve one koje sada nisu tu i za sve one koje su hrabro pokazale otpor patrijarhalnom i militarističkom životu koji ih je okruživao/koji ih okružuje.

Međunarodni dan borbe protiv nasilja nad ženama - Fondacija CURE je i ove godine obilježila Međunarodni dan borbe protiv nasilja nad ženama i početak Globalne kampanje 16 dana aktivizma protiv rodno zasnovanog nasilja (25.11.2015.). Slogan ulične akcije je bio „Niti jedna žena nevidljiva“ i bila je organizovana s ciljem podizanja svijesti protiv diskriminacije i nasilja nad ženama u BiH jer je život bez nasilja pravo i odgovornost svih nas!

Međunarodni dana žena s invaliditetom - Povodom 3.12. Mreža žena s invaliditetom u Bosni i Hercegovini je u okviru 16 dana aktivizma protiv rodno zasnovanog nasilja organizovala mirne ulične akcije u centru Banjaluke i Sarajeva te na taj način dala doprinos kampanji Niti jedna žena nevidljiva! Aktivistkinje Fondacije CURE su podržale ovu akciju u Sarajevu.

Dan sjećanja na stradanje žena u ratu u Bosni i Hercegovini - Mirovne aktivistkinje ženskih nevladinih organizacija iz Bijeljine, Tuzle, Sarajeva, Mostara, Bratunca, Višegrada, Modriče, Bihaća, Zenice, Grahova i Banjaluke dogovorile su se da, od 2015. godine, u okviru Globalne kampanje 16 dana aktivizma protiv rodno zasnovanog nasilja, obilježavaju osmi decembar kao Dan sjećanja na stradanje žena u ratu u Bosni i Hercegovini. Tako su aktivistkinje 12 ženskih nevladinih organizacija uličnim akcijama i drugim manifestacijama podsjetile javnost na različite oblike stradanja žena tokom rata u Bosni i Hercegovini.

IZDVAJAMO AKTIVNOSTI KOJIMA SMO DALE SVOJ DOPRINOS

Branitelj/ice s prve linije - Internacionalna fondacija za zaštitu branitelja/ica ljudskih prava je održala osmu Platformu za branitelje/ice ljudskih prava u Dublinu u kojem je učestvovala i aktivistkinja Fondacije CURE. Cilj je bio da se analizira i otkrije stvarnost represije branitelja/ica ljudskih prava i da se promoviše njihov rad. Na ovom susretu jedan od prioriteta je bio i da se prenesu iskustva rada u različitim kontekstima, te su se kreirale preporuke za specifična područja i za rad u njima.

Konferencija za braniteljice ženskih ljudskih prava i LGBTQ prava iz Evrope i Centralne Azije - Konferencija koja je okupila 85 aktivistkinja iz sestrinskih organizacija i ženskih fondova u Evropi i Centralnoj Aziji u Gruziji. Aktivistkinja Fondacije CURE je bila sudionica konferencije na kojoj se razgovaralo o strategijama održivosti te o potrebi da se naša znanja prošire za višestruko marginalizovane grupe i da se radi na povezivanju organizacija koje dolaze iz drugih dijelova zemlje ali imaju slične kontekste.

Ja sam muzej! - Aktivistkinje Fondacije CURE su učestvovala u građanskoj akciji "Ja sam Muzej" koja je bila pokrenuta s ciljem da se BiH i međunarodna javnost podsjeti kako je najznačajnija muzejska institucija u BiH, Zemaljski muzej, zatvorena gotovo tri godine. U sklopu ove kampanje organizovale smo dolazak Eve Ensler (USA) koja je učestvovala u ovoj kampanji i "dežurala" u Zemaljskom muzeju. Također, aktivistkinje Fondacije CURE su bile aktivne u akciji pod nazivom "Dežuram za Muzej" kojom je pokazana solidarnost bh. javnosti i kulturnih radnika s radnicima Muzeja. „Oni“, kazala je Aida Kalender, „ne primaju platu, ali čuvaju blago Muzeja za buduće generacije“.



Vijeće mladih u Kantonu Sarajevo - Fondacija CURE se u 2015. godini više angažovala u radu s Vijećima mladih u Kantonu Sarajevo. Učestvovala smo u organizovanju njihovih aktivnosti i vodile smo radionice koje se tiču ženskih prava, rodno zasnovanog nasilja, aktivizma i feminizma.

Radionice koje smo organizovale na poziv drugih - Zahvaljujući našoj vidljivosti i radu u mnogim bh. gradovima imale smo priliku da budemo pozvane da radimo edukativne radionice sa ženama iz drugih gradova širom BiH. Održale smo 2 radionice u Konjicu na temu kako organizovati akciju i kako pisati projektne prijedloge, te smo vodile radionice sa studentima/cama na Pravnom fakultetu u Sarajevu itd.

Stručno usavršavanje i umrežavanje za prevenciju ovisnosti u radu sa mladima u BiH - Aktivistkinja Fondacije CURE uključena je u projekat JUPPO 2014-2016 koji realizuje Udruženje NARKO-NE iz Sarajeva. Kroz ovaj projekat aktivistkinja je proširila i razvila spektar metoda djelotvornih u praktičnom radu s mladima, s težištem na primarnoj prevenciji ovisnosti, te suradnji s vladinim i nevladinim organizacijama s ciljem zajedničkog lobiranja za politiku i strategije koje unapređuju prevenciju ovisnosti, promociju zdravog razvoja te osnaživanje djece i mladih.

Živa biblioteka - Aktivistkinje Fondacije CURE su prošle edukaciju i bile su aktivne u metodi rada pod nazivom „Živa biblioteka“. Kroz ovu metodu su žene i muškarci i njihove životne priče knjige koje se „čitaju“, u kojem osobe koje čitaju tu knjigu mogu postavljati bilo koja pitanja i na taj način rušiti svoje predrasude i stereotipe o višestruko marginalizovanim osobama i osobama koje su diskriminisane u bh. društvu.

Sedmica ženske solidarnosti i izgradnje mira - Aktivistkinje Fondacije CURE su učestvovala u panelu Žene, Mir, Solidarnost. Govorile smo o tome zašto obilježavamo Dan žena, stanje prava žena u BiH danas, generalno stanje ljudskih prava, posebno marginalizovanih grupa, neimenovanje žena na pozicijama odlučivanja, (mlade) žene i pitanja nacionalizma, koje su potrebe i šta možemo uraditi da poboljšamo situaciju.

Saradnja s qSPORT Sarajevo- Fondacija CURE je u toku 2015. godine surađivala s organizacijom qSPORT Sarajevo i omogućila ovoj inicijativi održavanje pojedinih aktivnosti u našim prostorijama. Fondacija CURE podržava inicijativu ove organizacije da uključi i motivise LGBTIQ osobe u BiH da se aktivno bave sportom i učestvuju u sportskim aktivnostima LGBTIQ sportskih asocijacija diljem svijeta.

Međunarodni dan djevojaka u informaciono-komunikacionim tehnologijama- Aktivistkinje Fondacije CURE podržale su i učestvovalle u obilježavanju „Međunarodnog dana djevojaka u informaciono-komunikacionim tehnologijama“ u organizaciji Centra za promociju civilnog društva. U sklopu Međunarodnog dana djevojaka u informaciono-komunikacionim tehnologijama (IKT) u 2015. godini pružile smo priliku mladim djevojkama da se upoznaju s radom Fondacije CURE kroz praksu. Praksa se realizovala u vremenskom periodu od jula do augusta 2015. godine za 10 djevojaka kroz nekoliko aktivnosti. Sve djevojke su imale priliku da se upoznaju s feminističkim pristupom korištenja IKT-a, različitim internet alatima, cyberfeminizmom, cyber bullyingom itd.

STUDIJSKA PUTOVANJA

Studijska posjeta Italiji - Aktivistkinje Fondacije CURE provele su ukupno 5 radnih dana u Bologni, te ostvarile nekoliko značajnih kontakata za buduće aktivnosti Fondacije CURE. Posjetile su: Orlando i Žensku univerzitetsku biblioteku Bologna, “House of Women” Modena, Centar za migrantkinje Regio Emilia, Tramaditerre women’s centre Imola, Centar za žene - Bologna, dva socijalna preduzeća koja funkcionišu u smislu zemljoradničke zadruge Coop La Collina te zadruge koja je produžena ruka Madre Teresa/Mani in pasta. Imale su susret sa filozofom, piscem i izdavačem Lukom Leone, učestvovalle su na javnoj tribini koja je organizovana povodom dolaska Fondacije CURE, gdje su iznijeti stavovi o EU integracijama, ženskim pravima te BiH 20 godina nakon rata. Sigurno jedno najvećih otkrića tokom studijskog putovanja jeste organizacija CASSERO - najveća LGBT* organizacija u Bologni i festival Gender Bender.



Posjeta Organizacije žena Opštine Sveti Nikola (Makedonija) Sarajevu - Aktivistkinje Fondacije CURE su ugostile Organizaciju žena Opštine Sveti Nikola u Sarajevu, čije su članice posjetile druge organizacije i institucije kao i našu organizaciju. Fondacija CURE je ovom prilikom razmijenila iskustva, objasnila status žena u bh. društvu i u Makedoniji, te smo razgovarale o mogućim suradnjama, posjetama itd.

CURE PUBLIKACIJE I PRODUKCIJA

Moj glas odjekuje... - S ciljem da se “glas“ žena iz manjih lokalnih zajednica koje trpe ili su pretrpjele bilo koji oblik diskriminacije, nasilja i/ili kršenja ljudskih prava, čuje i bude motivacija drugim ženama kako se nositi sa svakodnevnim kršenjem ženskih prava, Fondacija CURE je prikupila 10 ličnih ispovijesti koje su objedinjene u publikaciji „Moj glas odjekuje...“. Teme ispovijesti: žene s invaliditetom, žene sa sela, Romkinje, trans* žene, lezbejke, samostalne roditeljke, sportistkinje, ratno silovanje, nasilje i porodično nasilje. Uz svaku ličnu ispovijest napravljen je i presjek stanja uz precizne statističke podatke položaja žena, a na čijem prikupljanju i analizi je radila Masha Durkalić. Oko 800 primjeraka ove publikacije je podijeljeno.

Publikacije Ženske mreže BiH - U 2015. godini u ime Ženske mreže izdate su: Mapa ženskih ljudskih prava u BiH, Mapa ženskog organizovanja, rezultati istraživanja Ravnopravnost spolova u opštinama/općinama i gradovima u Bosni i Hercegovini, Politička participacija žena u Bosni i Hercegovini - analiza učešća žena na stranačkim listama i konačnih rezultata Općih izbora 2014. godine te policy dokument Stanje ženskih ljudskih prava u 2014., kao i usvajanje Političke platforme Ženske mreže BiH. Sve publikacije su dostupne na www.zenskamreza.ba. Sve publikacije imaju tiraž od 500 primjeraka, tako da finalan tiraž ovih publikacija iznosi 2500 primjeraka.

Mi i oni kroz medijske naočale - Ovim istraživanjem medijskih diskursa u Bosni i Hercegovini, Hrvatskoj i Srbiji obuhvaćene su tri teme koje su, na neki način, medijski prekogranično obilježile jesen i zimu 2014. godine na teme: beogradski Pride - Parada ponosa, Opći izbori u BiH, Odluka Sudskog vijeća Haškog suda od 6. studenoga 2014. godine kojom je odobreno puštanje Vojislava Šešelja. Rađena je analiza medijskog diskursa o čemu jesu izvještavali mediji - ovisno o medijskom diskursu koji je tom događaju ili slučaju nametnuo odgovarajući kut gledanja i okvir unutar kojeg bismo mi, kao publika, taj isti događaj ili slučaj trebali razumjeti, dalje ga raspraviti ili ga jednostavno prihvatiti kao činjenicu. Ono što je izostavljeno - to i ne postoji. Printano je oko 300 publikacija.

Filmovi kroz projekat Snimi rodno zasnovano nasilje - Fondacija CURE je, u sklopu projekta “Snimi rodno zasnovano nasilje”, snimila 4 kratka filma. Teme filmova su definicija nasilja, objašnjenje zašto se nasilje dešava, zašto osobe ostaju u situacijama nasilja, koji je pravni okvir BiH u ovom kontekstu te kako zaustaviti rodno zasnovano nasilje. Naše aktivistkinje i prijateljice su učestvovala u snimanju filmova i tako dale svoj doprinos u borbi za edukaciju o rodno zasnovanom nasilju i borbi protiv ovog aktuelnog problema u Bosni i Hercegovini. Procjenjujemo da je preko 5000 osoba pregledalo filmove (kroz radionice, okrugle stolove, YouTube kanal, dvd-ove, emisiju Hayd u park itd.)



MEDIJSKA VIDLJIVOST

U 2015. godini u medijima su objavljene 252 objave i informacije o aktivnostima Fondacije CURE. Također aktivistkinje i članice Fondacije CURE su imale oko 115 televizijskih i radijskih nastupa, odnosno oko 24 sata i 30 minuta live programa, 106 online sadržaja te oko 31 objavu u štampanim medijima. Ovaj broj nije konačan jer kako nismo pretplaćene na korištenje medijskih informacija, ostale smo uskraćene za informacije koje su printani, elektronski i online mediji objavili ili prenijeli tokom cijele godine o našim aktivnostima.

Posjete Fondaciji CURE - U 2015. godini Fondacija CURE je registrovala oko 65 posjeta što je uključivalo više osoba po posjeti. Ukupan broj osoba koje su posjetile Fondaciju CURE je preko 80 osoba. Posjetitelje/ke su najviše interesovale teme kao što su aktivnosti Fondacije CURE, Ženski pokret u BiH, nasilje nad ženama i položaj žena u bh. društvu.

Online platforma - Web portal Fondacije CURE - Jedan od prioriteta Fondacije CURE u 2015. godini bilo je i povećanje vidljivosti web stranice (www.fondacijacure.org) i objavljivanje tekstova koji govore o ljudskim pravima, pravima LGBT osoba, diskriminaciji, aktivizmu i feminizmu. U 2015. godini objavljeno je preko 100 tekstova. Na web stranici Fondacije CURE tekstovi su pregledani 17179 puta, dok su naši video zapisi na YouTube kanalu pregledani s 2196 različitih IP adresa. Također, u 2015. godini možemo se pohvaliti da smo obezbijedile kreiranje stranice Ženske mreže BiH (www.zenskamreza.ba) i stranice projekta „Snimi rodno zasnovano nasilje“ (www.gbv.fondacijacure.org).

Facebook (FB) grupa CURE Foundation/Fondacija CURE - Tokom 2015. godine Fondacija CURE je nastavila koristiti grupe (Fondacija CURE - 2145 članica/ova, PitchWise - 1580 članica/ova, Snimi rodno zasnovano nasilje - 555 članica/ova i Ženska mreža - 2222 članica/ova) na najposjećenijoj društvenoj mreži u BiH i svijetu, Facebook, kao mjesto na kojem su se mogle pročitati najaktuelnije vijesti po pitanju ženskih ljudskih prava i razmjenjivati svoja mišljenja i ideje. Prosljeđivane su informacije i vijesti od strane administratorica i članova/ica grupe o aktivizmu, feminizmu, LGBTIQ pitanjima, promocijama događaja i aktivnosti širom BiH i regije itd.

Fondacija CURE je kroz aktivnosti u 2015. godini informisala i edukovala direktnim i indirektnim putem preko 47.180 učesnika/ca

Aktivistkinje grade MIR! - 1 radionica (40 učesnica);

Konferencija „Siromaštvo žena u BiH“ - 55 učesnika/ca;

Rodno zasnovano nasilje: Pogled iz drugog ugla - Nasilje u vezama mladih - 3 FEM Kampa (61 učesnica), 16 radionica u srednjim školama (139 učenika/ca), Sastanak Mreže mladih aktivistkinja (19 aktivistkinja), 1 okrugli stol i 2 radionice s nastavnim osobljem (40 učesnika/ca) i 6 radionica u Krilima nade (66 učenika/ca);

Rad s volonterima/kama - 7 sastanaka (72 učesnika/ce);

Rod i spol kroz obrazovni sistem - 12 radionica u srednjim školama (227 učenika/ca);

Fond solidarnosti - 8 osoba;

Snimi rodno zasnovano nasilje - 5 forum diskusija (173 učesnika/ce);

Kreiranje sigurnog prostora za LBTQ žene - 1 radionica (25 učesnica);

Djevojko progovori! - 5 javnih diskusija (193 učesnice);

Rad s višestruko marginalizovanim grupama - 10 radionica (30 djece), 9 radionica (60 žena);

Oснаživanje žena za političko djelovanje - 10 radionica (160 učesnika/ca);

PitchWise festival ženske umjetnosti i aktivizma u BiH - kroz cjelokupni program bilo je 70 umjetnica, 300 učesnika/ka PW festivala i oko 300 učesnika/ka na koncertima i izložbama;

Mir sa ženskim licem - 1 sastanak (13 učesnica), ulična akcija (20 učesnica);

Lokalizacija CEDAW-a - 2 radionice (37 žena);

Orodnjavanje ustavnih promjena - 1 konferencija (60 učesnika/ca);

Ženski sud - 500 prisutnih osoba;

Ulične akcije: Osmartovski marš (50 učesnika/ka), 16 dana aktivizma (20 učesnika/ka), Dan sjećanja na žene stradale u ratu (20 učesnika/ka), Međunarodni dan borbe protiv nasilja nad ženama (100 učesnika/ca);

CURE neformalna Mreža mladih aktivistkinja - 150 članica;

Posjete u Fondaciji CURE - 80 osoba; **Podijeljene publikacije** - 2800 publikacija

Facebook grupe Fondacije CURE - Fondacija CURE - 2145 članica/ova, PitchWise - 1580 članica/ova, Snimi rodno zasnovano nasilje - 555 članica/ova i Ženska mreža BiH - 2222 članica/ova;

Medijska vidljivost - 300 medijskih objava (ako je po objavi pregledano u prosjeku 50 osoba, to znači da je 15750 osoba vidjelo informacije koje se tiču ženskih ljudskih prava), web portal je imao 17179 posjeta s različitih IP adresa, a Youtube kanal je imao 2196 pregleda.

DONATORI/KE:

Kvinna till Kvinna; Fondacija Mozaik; Fondacija za osnaživanje žena; Global Fund for Women; Die Feministische Friedensorganisation CFD; Friedrich Ebert Stiftung; Fondacija OAK, Heart and Hand Fund; Heinrich Böll Stiftung BiH; ISCOS - The Trade Unions Institute for Development Co-operation; Norveška ambasada; ASTRAEA-Lesbian Foundation for Justice; Općina Centar Sarajevo; Američka ambasada Sarajevo, Kanadska ambasada Sarajevo, Kuća ljudskih prava Zagreb; Fondacija Westminster.

